

Redovni izvještaj dnevnih događaja i pojava

Izvještaj se odnosi na događaje u vremenskom periodu od 25.08.2026. godine od 08:00 sati do 26.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać - Vatrogasna jedinica grada Bihaća imala je dvije intervencije na gašenju požara:

- Požar na Plješevici je i dalje aktivan. Gašenje otežava vjetar i nepristupačan teren. Upućen je zahtjev za pomoć Oružanih snaga BiH. Juče u jutarnjim satima je padala kiša oko sat vremena, a trenutno nema otvorenog plamena. Usljed vjetra pojačano je izdimljavanje zapaljenih panjeva. Požar se danonoćno drži pod kontrolom kako se ne bi proširio prema četinarskoj šumi. Ta linija prijelaza se štiti na šumskom putu. Na terenu je Vatrogasna jedinica Bihać, SOS Bihać, radnici ŠPD „Unsko-sanske šume“, JP „Vodovod“ d.o.o. Bihać koji cisternama kontinuirano dopremaju vodu na požarište.
- Od 10:10 do 10:52 sati u mjestu Papari, gdje je gorio pomoćni objekat.

Grad Cazin - Požar koji je nastao 20.08.2026. godine oko 17:30 sati na području Velike i Male Gomile je i dalje aktivan. U gašenju i spriječavanju požara učestvuju: Vatrogasna jedinica Cazin, DVD Stijena, DVD Liskovac, DVD Pećigrad, pripadnici GSS - Stanica Cazin, timovi GSS i „Avantura“; timovi sa ATV/quad vozilima ATV Koprivna i ATV Gomila iz Stijene, paraglajderi, koji svojim angažmanom doprinose izviđanju i praćenju stanja na požarištu. Helikopter OS BiH je bio angažovan na gašenju požara.

Općina Bosanski Petrovac - Nekoliko radnika šumarije dežura na Crnom vrhu (planina Grmeč) zbog mogućeg raktiviranja požara.

Općina Sanski Most - Vatrogasna jedinica općine Sanski Most imala je izlazak na teren u mjesto Sasina i prilikom tog obilaska nije uočen otvoreni plamen niti je bilo dima.

Ostale vatrogasne jedinice nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi na području kantona su prohodni.

Duga je kolona vozila na izlazu iz Bosne i Hercegovine na GP Izačić. Na ostalim graničnim prelazima putnička vozila, za sada ne čekaju duže od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se sedam saobraćajnih nezgoda.

Dva lica zadobila su lakše tjelesne povrede, te je prčinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u u svim pravcima.

OBLAST VODOSNABDIJEVANJA (LP-18)

Grad Cazin - Zbog povećane potrošnje i smanjenog kapaciteta na izvorštima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača, a posebno za korisnike vodovodnih sistema Vignjevići i Tahirovići.

Općina Bužim - Zbog smanjenog kapaciteta i velike potrošnje pitke vode uvedene su redukcije za naselja koja se snabdijevaju sa izvorišta Pivnice i Musići.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 18 °C.

Vodostaj rijeke Une iznosi 21 cm, (početak obavještanja je 100 cm).

U općini Sanski Most u 08:00 sati temperatura je iznosila 19 °C.

Vodostaj rijeke Sane iznosi 73 cm (početak obavještanja je 310 cm).

Padavine: 5l/m².